



Inatsisartunut ilaasortaq Anders Olsen, Siumut
Inatsisartut Allattoqarfiat
/Maani

21-09-2020

**Tele Greenlandip Narsarmijini illuutaa pillugu § 37 naapertorlugu
apeqqummut nr. 2020/150-imut akissut.**

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Anders Olsen,

Ingerlatseqatigiiffinni Namminersorlutik Oqartussanit pigineqartunit unammil-
lerneq pillugu Inatsisartut suleriaasianni § 37 naapertorlugu Naalakkersuisunut
apeqquteqarsimavutit. Apeqqutigisatit uannit akisassanngor-tinneqarsimapput.

Apeqqutigineqartut ilaat sammisanut Tele Greenlandip akisussaassuseqarneranut
aaljangiisinnaassuseqarneranullu piginnaatitsissutinut tunngassuteqarmata inger-
latseqatigiiffiup aqutsisuinut akissutissanik piniartoqarsimavoq.

Apeqqutigineqartut ima oqaasertaqarput:

- 1. Telep Narsarmijini illuutaasa pillugit qanoq pilersaaruteqarfigaat?**
 - a. Illorsuit qanoq atorluarneqarsinnaappat?**
 - b. Sumullu atorluarneqarsinnaappat?**

§ 37 naapertorlugu apeqqutigineqartut akiniarneranni Tele Greenlandimut
akissutissanik piniartoqarsimavoq taannalu imaattunik akissuteqarpoq:

*"Tele Greenland A/S 2020-mi aasaanerani Narsarmijini assigiinngitsunik
suliaqarpoq, tassanilu nunaqarfimmi ingerlatai sumiiffinnut ikinnernut
ataatsimoortinnissaat siunertaasimavoq. Suliat taakku 2020-mi ukiassakkut
naammassineqarsimanissaat naatsorsuutaavoq, taassumalu kingorna Tele
Greenlandip Narsarmijiniinnerani suliai nunaqarfimmi illumi ataatsimi
katersuunneqassapput. Tele Greenland A/S taamaammat siunissaq ungasinneq
isigalugu Narsarmijini ingerlatseqatigiiffiup maanna pigisaanik illuutinik
sanaartukkanillu sinneruttunik atorneqanngitsunik tuniniaanissamik pilersaar-
teqarpoq. Tele Greenland A/S-ip naatsorsuutigaa illuutit sanaartu-kkallu*

atorneqanngitsut 2021-ip ingerlanerani tamanut tuniniarne-qartussanngorlugit neqeroorutaassasut. Illuutit sanaartukkallu atorneqanngitsut tunineqarsinnaanngippata allatut iliorluni atorunnaarnissaat misissorneqassaaq, matumanilu isaterneqarsinnaaneraniq periarfissaq ilanngullugu eqqarsaati-galugu”.

2. Illorsuit pineqartut isaterneqarnissaat pilersaarutaanersoq Naalakkersuisut uppernarsarsinnaavaat?

Akissut: Narsarmiuni illut pineqartut Naalakkersuisut oqartussaaffiginn-gimmatigit illuutit isaterneqarnissaat uppernarsarsinnaanngilaat, apeqqummilli 1-imut Tele Greenlandip akissutaa innersuunneqarpoq.


3. Narsarmijit inuussutissarsiornikkut aqutissiunneqarnissaat eqqarsaatigalugu Naalakkersuisut qanoq pilersaaruteqarpat?

a. Tamanna atatillugu illuutit pineqartut atorluarneqarsinnaappat?

Akissut: Naalakkersuisut maanna Narsarmijini inuussutissarsiutitigit tunngavissaqarnerisooq oqaluuserisimannngilaat kiisalu Tele Greenlandip illuutai pioreersut qanoq pineqassanersut eqqartorsimanagit.

Tele Greenlandip ingerlatseqatigiiffiup ingerlataanik atuineranut isummerneq aqutsisut akisussaaffigalugulu oqartussaaffigaat, taamaammat Tele Greenlandip apeqqummut 1-imut akissutaa innersuussutigineqarpoq.

Inussiarnersumik inuulluaqqusillunga



Kim Kielsen

9. september 2020

Inatsisartut Suleriaasianni § 37, imm. 1 naapertorlugu apeqqutit imaattut Naalakkersuisunut saqqummiuppakka:

- 1) Telep Narsarmijini illuutaasa pillugit qanoq pilersaaruteqarfigaat?**
 - a. Illorsuit qanoq atorluarneqarsinnaappat?**
 - b. Sumullu atorluarneqarsinnaappat?**

- 2) Illorsuit pineqartut isaterneqarnissaat pilersaarutaanersoq Naalakkersuisut uppersarsinnaavaat?**

- 3) Narsarmijit inuussutissarsiornikkut aqqutissiuunneqarnissaat eqqarsaatigalugu Naalakkersuisut qanoq pilersaaruteqarpat?**
 - a. Tamanna atatillugu illuutit pineqartut atorluarneqarsinnaappat?**

(Inatsisartuni ilaasortaq, Anders Olsen, Siumut)

Tunngavilersuut:

Narsarmijit inuttoorsuujunnaarpoq. Inuussutissarsiornikkut imaluunniit suliffissaqartitsiniarnikkut inissisimaneq ilungersunarpoq, tamannalu nunaqarfiup siunissaa eqqarsaatigalugu arlaatigut Oqartussat iliuuseqartariaqartut isumaqarpunga.

Tusatsiakkat tunngavigalugit Tele Greenlandip illutai ukiuni piunerminni aserfallatsaalilluarneqarsimasut atornerukkiartorneri tunngavigalugit isaterneqarnissaat siunniunneqarsimasoq iluoornersoq assut paaserusunnarpoq.

Illut pineqartut nammineerlunga aggustip naanerani alakkarterpakka, kiassagaapput, assullu napaarliinartikkunnaarlugit inuiaqatigiinnit atorluarneqarnerunissaat aqqutissiuunneqartariaqartut isumaqarlunga.